



**GARIS PANDUAN
PERMOHONAN PENGGUNAAN LOGO
KEMENTERIAN BELIA DAN SUKAN (KBS)**

KANDUNGAN

- 1. PENGENALAN**
- 2. TUJUAN**
- 3. OBJEKTIF**
- 4. PERMOHONAN PENGGUNAAN LOGO KBS**
- 5. TATACARA PERMOHONAN**
- 6. SYARAT-SYARAT / KRITERIA PERMOHONAN**
- 7. PEMATUHAN PENGANJUR TERHADAP PENGGUNAAN LOGO**
- 8. PANDUAN PENGGUNAAN LOGO KBS**
- 9. CARTA ALIR KELULUSAN PENGGUNAAN LOGO KBS**
- 10. PENUTUP**

GARIS PANDUAN PERMOHONAN PENGGUNAAN LOGO KBS

1. PENGENALAN

- 1.1 Kementerian belia dan Sukan (KBS) telah mendaftarkan logo rasminya dengan Perbadanan Harta Intelek Malaysia (MyIPO). Logo KBS ini dilindungi oleh Akta Cap Dagangan 1976 dan Peraturan Cap Dagangan 1997 dari sebarang penyalahgunaan dan eksploitasi oleh pihak selain pemilik Cap Dagangan.

2. TUJUAN

- 2.1 Garis Panduan ini bertujuan untuk menjelaskan prosedur dan ketetapan kepada individu, NGO, syarikat dan agensi kerajaan untuk kelulusan penggunaan logo KBS bagi penganjuran program belia dan sukan serta kegunaan-kegunaan lain di Malaysia dan peringkat antarabangsa.
- 2.2 Mewujudkan mekanisme yang sistematik bagi memproses dan memberikan kelulusan permohonan penggunaan logo KBS.
- 2.3 Menggariskan peranan dan tanggungjawab semua pihak yang terlibat dalam proses penggunaan logo KBS.

3. OBJEKTIF

- 3.1 Memastikan penggunaan logo KBS digunakan untuk penganjuran program serta perkara-perkara lain yang mendapat pengiktirafan, diyakini dan memberi impak positif kepada masyarakat.

- 3.2 Memelihara nama baik, imej, kredibiliti dan reputasi KBS melalui penggunaan logo secara wajar dan bersesuaian.
- 3.3 Mewujudkan sistem kawalan yang berkesan ke atas penggunaan logo KBS.
- 3.4 Melindungi logo KBS daripada dieksploitasi

4. PERMOHONAN PENGGUNAAN LOGO KBS

- 4.1 Borang permohonan penggunaan logo KBS yang lengkap diisi bersama dokumen sokongan yang berkaitan mestilah dihantar kepada Unit Komunikasi Korporat, KBS untuk mendapatkan kelulusan dan kebenaran **secara bertulis**.

5. TATACARA PERMOHONAN

- 5.1 Memuat turun dokumen Garis Panduan Permohonan Penggunaan Logo KBS serta borang permohonan melalui laman sesawang **www.kbs.gov.my**.
- 5.2 Membuat permohonan dengan mengemukakan borang permohonan yang lengkap diisi serta dokumen-dokumen berkaitan yang lain kepada Unit Komunikasi Korporat, KBS.
- 5.3 Permohonan lengkap hendaklah dikemukakan sekurang-kurangnya **30 hari** sebelum tarikh penggunaan logo.
- 5.4 Keputusan permohonan akan diberikan secara bertulis dalam tempoh **14 hari bekerja**.
- 5.5 Semakan dan penelitian permohonan oleh Unit Komunikasi Korporat, KBS ke atas borang serta dokumen-dokumen berkaitan yang telah dihantarkan.

- 5.6 Pemakluman keputusan penggunaan logo diberikan oleh Unit Komunikasi Korporat, KBS secara bertulis kepada pemohon.
- 5.7 Pemantauan terhadap penggunaan logo oleh Unit Komunikasi Korporat, KBS (mengikut keperluan)
- 5.8 Borang laporan penggunaan logo termasuklah penganjuran program yang lengkap dengan gambar-gambar mestilah dihantar oleh pihak pengguna logo kepada Unit Komunikasi Korporat, KBS.

6. SYARAT-SYARAT / KRITERIA PERMOHONAN

- 6.1 Pemohon adalah sebuah Kementerian/Jabatan/Agensi kerajaan yang diiktiraf.
- 6.2 Pemohon adalah daripada kalangan mana-mana organisasi yang berdaftar sama ada di bawah Akta Pembangunan Sukan 1997 (Pindaan 2018), Akta Pertubuhan 1966, Akta Syarikat 1965 atau Akta Pertubuhan Belia dan Pembangunan Belia 2007.
- 6.3 Pemohon yang terdiri daripada individu / orang perseorangan juga adalah layak untuk memohon dengan syarat hendaklah berkaitan pembangunan belia dan sukan sahaja.
- 6.4 Program telah mendapat pengiktirafan atau kelulusan daripada pihak berkuasa seperti Pihak Berkuasa Tempatan (PBT), Polis Diraja Malaysia dan agensi yang berkaitan.
- 6.5 Program sukan mestilah mendapat kelulusan dan permit penganjuran daripada Pesuruhjaya Sukan Malaysia (PJS).
- 6.6 Pemohon mempunyai keupayaan membiayai kos keseluruhan pelaksanaan program melalui sumber kewangan tersendiri atau melalui penaja-penaja.

- 6.7 Bagi penggunaan logo yang melibatkan program / acara / kejohanan atau apa-apa yang berkaitan, tarikh dan lokasi pelaksanaan mestilah telah dimuktamadkan.
- 6.8 Program dan Inisiatif tidak melibatkan peserta daripada mana-mana negara yang tidak mempunyai hubungan diplomatik dengan Malaysia atau negara-negara yang mempunyai isu sensitif semasa. Sekiranya ada, penganjur adalah bertanggungjawab untuk mendapatkan kebenaran bertulis daripada pihak-pihak berkaitan terutama daripada Kementerian Luar Negeri, Jabatan Imigresen Malaysia dan pihak-pihak lain yang berkaitan.
- 6.9 Program **anjuran bersama** KBS dan agensi-agensi di bawahnya adalah tidak tertakluk kepada syarat-syarat permohonan ini.
- 6.10 KBS dan agensi-agensi di bawahnya adalah tidak tertakluk kepada syarat-syarat permohonan ini.

7. PEMATUHAN PENGANJUR TERHADAP PENGGUNAAN LOGO

- 7.1 Penganjur tidak dibenarkan menuntut sebarang implikasi kos kewangan terhadap KBS bagi pelaksanaan program yang telah diberikan kelulusan penggunaan logo KBS.
- 7.2 Kebenaran penggunaan logo KBS yang diberikan adalah bagi sesuatu tempoh terhad yang dinyatakan secara bertulis - tiada kelulusan terbuka diberikan.
- 7.3 Penganjur wajib bertanggungjawab sepenuhnya bagi memastikan sebarang masalah atau kesulitan tidak berbangkit dalam penganjuran program yang mendapat kebenaran menggunakan logo KBS agar tidak menjejaskan imej KBS dan negara.
- 7.4 Penganjur akan bertanggungjawab sepenuhnya ke atas liabiliti, tuntutan pihak ketiga, kerosakan harta benda dan kecederaan orang akibat daripada kecuaiian atau kegagalan mematuhi mana – mana


syarat dan peraturan berkaitan dengan penganjuran program yang telah mendapat kelulusan penggunaan logo KBS.

- 7.5 Penganjur wajib bertanggungjawab sepenuhnya terhadap keperluan kewangan, teknikal dan lokasi program yang telah mendapat kelulusan penggunaan logo KBS.
- 7.6 Penganjur hendaklah memastikan prosedur penganjuran program dan keselamatan dipatuhi sewajarnya.
- 7.7 Penganjur hendaklah memastikan setiap peserta luar negara memahami, mematuhi dan menghormati adat resam dan peraturan negara Malaysia.
- 7.8 KBS berhak untuk menghentikan, menghalang dan membatalkan mana-mana individu dan entiti yang menyalahgunakan logo KBS termasuk yang telah diberikan kelulusan dengan tanpa notis sekiranya ia didapati menyalahi undang-undang, atau dianggap bertentangan dan tidak konsisten dengan reputasi, imej dan matlamatnya.
- 7.9 Pengguna logo KBS adalah hanya diberikan kebenaran menggunakannya dengan tujuan pembangunan belia dan sukan sahaja **tanpa melibatkan apa-apa tujuan komersial.**
- 7.10 KBS adalah tidak bertanggungjawab untuk menanggung apa-apa bentuk liabiliti, isu dan krisis yang terjadi kepada apa jua jenis program dan perkara-perkara lain yang berkaitan walaupun kebenaran penggunaan logo KBS telah diberikan.
- 7.11 Penganjur adalah tertakluk kepada undang-undang Kerajaan Malaysia yang sedang berkuatkuasa.

8. PANDUAN PENGGUNAAN LOGO KBS

- 8.1 Penganjur yang membuat permohonan penggunaan logo KBS dikehendaki mematuhi panduan penggunaan logo KBS seperti di **Lampiran 1.**

9. CARTA ALIR PERMOHONAN PENGGUNAAN LOGO KBS



10. PENUTUP

- 10.1 Garis panduan ini terpakai bagi semua pihak yang terlibat dalam permohonan penggunaan logo KBS.
- 10.2 Borang Permohonan Penggunaan Logo KBS adalah seperti di **Lampiran 2.**
- 10.3 Borang Laporan Program adalah seperti di **Lampiran 3.**

11. PENGHANTARAN BORANG

Setiap permohonan yang lengkap bolehlah dihantar melalui serahan tangan, pos atau emel ke:

**UNIT KOMUNIKASI KORPORAT
KEMENTERIAN BELIA DAN SUKAN**
Aras 8, Menara KBS
No.27, Persiaran Perdana
Presint 4, Pusat Pentadbiran Kerajaan Persekutuan
62570 Putrajaya
Tel : 03 – 8871 3436
Faks : 03 – 8888 3436
Emel: permohonanlogo@kbs.gov.my

Sekian, terima kasih.

Disediakan oleh:

Bahagian Dasar dan Perancangan Strategik dan Unit Komunikasi Korporat
Kementerian Belia dan Sukan Malaysia
20 Ogos 2018